



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
INDEPENDENT BOARD

Broj: 04/2-02-2305/25
Sarajevo, 24. 12. 2025. godine

**PARLAMENT FEDERACIJE
BOSNE I HERCEGOVINE
PREDSTAVNIČKI DOM**
n/r G-din, Dragan Mioković, predsjedavajući

PREDMET: Odgovor na poslaničko pitanje - dostavlja se

Veza: Vaš akt, broj: 05/1-02-753/25 od 3.11.2025.godine

Na 26. sjednici Predstavničkog doma Parlamenta Federacije Bosne i Hercegovine, održane 20.11.2025. godine, poslanica Melika Mahmutbegović je postavila poslaničko pitanje Nezavisnom odboru sa sljedećim sadržajem:

“Moje pitanje je upućeno sljedećim institucijama: Ministarstvu unutrašnjih poslova, Nezavisnom odboru i Federalnoj upravi policije. Tražim odgovor:

- Šta su navedene institucije uradile u pogledu dešavanja u Tuzli, aferi, tačnije zlodjela koja su načinjena nad maloljetnim osobama kada je u pitanju seksualno iskorištavanje, trgovina djecom, ne smo u Tuzli nego i u Sarajevu?
- Također im postavljam pitanje: Da li su uradili nadzor i inspekciju nad ostalim policijskim službama u ostalim kantonima, jer shodno zakonu oni imaju na to pravo? Ako nisu, da to učine i tražim informaciju u kojem pogledu su njihovi planovi kada je u pitanju ova oblast? ”.

S tim u vezi, Nezavisni odbor daje sljedeći:

ODGOVOR:

U skladu sa članom 51. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14) propisani su poslovi Nezavisnog odbora i to:

Član 51.
(Poslovi Nezavisnog odbora)

Nezavisni odbor obavlja sljedeće poslove:

- 1) raspisuje i provodi javni konkurs za imenovanje direktora policije;
- 2) vrši selekciju i predlaže listu kandidata za izbor direktora policije Vladi Federacije koju dostavlja posredstvom ministra;
- 3) prati rad direktora policije i izvještava Parlament Federacije, Vladu Federacije i ministra o radu direktora policije;
- 4) predlaže razrješenje direktora policije Vladi Federacije u skladu sa ovim zakonom;

- 5) vodi prvostepeni disciplinski postupak protiv direktora policije i izriče disciplinske sankcije;
- 6) prima, razmatra i postupa po podnesenim žalbama na rad direktora policije i o tome obavještava ministra i Vladu Federacije;
- 7) donosi poslovnik o svom radu;
- 8) obavlja i druge poslove koji su stavljeni u njegovu nadležnost ovim zakonom i pravilnikom iz čl. 63. i 94. ovog zakona.

S tim u vezi, Nezavisni odbor prati rad rukovodioca Federalne uprave policije na način da oni podnose Izvještaje o radu Federalne uprave policije kao i svoje mjesečne izvještaje i na taj način se Nezavisni odbor upoznaje s radom ove institucije.

U vezi Vašeg konkretnog pitanja informišemo Vas, da u ovom predmetu postupa Ministarstvo unutrašnjih poslova Tuzlanskog kantona po nalogu Kantonalnog tužilaštva u Tuzli, te Nezavisni odbor nije dobijao informacije osim onih koji su dostupni u medijama.

Također, Nezavisni odbor nema nadležnost inspeksijskog nadzora ili da posebno traži i prati rad drugih policijskih agencija u Federaciji BiH.

S poštovanjem



mr. sci Amar Hadžić, s.r.

Dostavljeno:

- Naslovu,
- Nezavisnom odboru,
- a/a.